

Ályktun um stefnumörkun KÍ í vinnuumhverfismálum

Gerð er tillaga um að KÍ setji sér meðfylgjandi stefnu í vinnuumhverfismálum. Vinnuumhverfisnefnd KÍ útbúi aðgerðaráætlun um framkvæmd stefnunnar á næsta kjörtímabili.

Stefna Kennarasambands Íslands í vinnuumhverfismálum

Ytra starf - markmið KÍ í vinnuumhverfismálum eru:

- Að stuðla að bættu vinnuumhverfi félagsmanna.
- Að vinnuumhverfi félagsmanna verði hluti af viðfangsefnum og stefnumótun skóla.
- Að efla starfsöryggi og vinna gegn kulnun í starfi, veikindum og ótímabæru brotthvarfi úr starfi.

Framkvæmd:

- KÍ beitir sér fyrir úrbótum á vinnuumhverfi kennara og stjórnenda í samstarfi við stjórnvöld og viðsemjendur.
- KÍ vinnur að því að styrkja samstarf heildarsamsamtaka opinberra starfsmanna í vinnuumhverfismálum, samstarf við erlend kennarasamtök um þessi mál, og gagnkvæma þekkingarmiðlun um þau.
- KÍ gerir sjálfstæðar kannanir á vinnuumhverfismálum og kannanir í samvinnu við viðsemjendur, stjórnvöld, önnur stéttarfélög og hugsanlega fræðastofnanir.

Innra starf - Markmið KÍ í vinnuumhverfismálum eru:

- Að auka vitund félagsmannanna um mikilvægi góðs vinnuumhverfis, að efla áhrif félagsmanna á vinnuumhverfi sitt og þátttöku þeirra í stefnumótun um það.
- Að hvetja stjórnendur, kennara trúnaðarmenn og öryggistrúnaðarmenn til að vinna að bættu starfsumhverfi skólanna í samræmi við lög um aðbúnað, hollustuhætti og öryggi á vinnustöðum (nr. 46/1980), reglur og reglugerðir sem varða vinnuvernd.
- Að aðstoða stjórnendur, kennara og trúnaðarmenn við úrlausn vandamála tengd vinnuumhverfinu komi þau upp.

Framkvæmd:

- Fræðsla um vinnuumhverfismál, vinnuaðstæður og líðan á vinnustað verður augin og gerð grein fyrir áhrifum þessa á heilsu, starfsánægju og sjálfsmynd. Fræðslu verður beint að stjórnendum, trúnaðarmönnum og félagsmönnum bæði í gegnum útgáfu KÍ, Skólavörðuna og heimasíðuna, ásamt því að haldin verða námskeið, fundir, ráðstefnur og/eða málþing um vinnuumhverfismál.
- Nefnd um vinnuumhverfismál verður starfandi á vegum KÍ sem starfar fyrir alla félagsmenn með sama hætti og sameiginlegir sjóðir, nefndir, ráð og svið þess. Nefndin

heyrir undir stjórn KÍ og er fag- og starfsnefnd hennar og annarra meginstofnana KÍ í vinnuumhverfismálum.

- Starfsmaður KÍ í vinnuumhverfismálum veitir stjórnendum, kennurum og trúnaðarmönnum ráðgjöf og aðstoð.
- KÍ setur fram verklagsreglur fyrir trúnaðarmenn og öryggistrúnaðarmenn í vinnuumhverfismálum.

Ábyrgð

Ábyrgðin á framkvæmd stefnunnar hvílir á kjörnum fulltrúum Kennarasambandsins, starfsfólki þess og félagsmönnum.